

# DR. MUM

Bahan asal dari Arkib  
Negara Malaysia

# KABINET BCA

**KUALA LUMPUR, Khamis —** Datuk Seri Dr. Mahathir Mohamad hari ini mengumumkan berisnng Kabinet barunya berlandaskan prinsip Bersih, Cekap, Amanah, tanpa banyak pertukaran melainkan memasukkan seorang Timbalan Menteri serta seorang bekas Ketua Menteri dan seorang bekas Menteri Besar.

Perdana Menteri sendiri akan meneruskan tugasnya sebagai Menteri Pertahanan sementara Timbalan Perdana Menteri, Datuk Musa Hitam, mengekalkan portfolio Menteri Hal Ehwal Dalam Negeri.

Kesemua Menteri-menteri melainkan Datuk Mohamad Rahmat, dan sebilangan besar Timbalan Menteri yang memenangi pilihanraya

Oleh **RUHANIE HAJI AHMAD** Dan  
**JAMALUDIN HAJI ABU BAKAR**

umum 22 April lalu, kekal di tempat masing-masing.

Senarai Kabinet baru ini dipersetujui oleh Seri Paduka Baginda Yang di-Pertuan Agong pagi tadi. Mereka akan mengangkat sumpah di depan Seri Paduka Baginda 3.30 petang esok.

Datuk Seri Dr. Mahathir melahirkan harapannya agar kesemua yang terpilih menganggotai Kabinetnya akan mengelakkan diri dari rasuah serta meneruskan khidmat kepada Kerajaan Barisan Nasional dan rakyat pada setiap masa.

## Tugas baru

Selanjutnya, beliau menegaskan Datuk Mohamad Rahmat akan diberi tugas baru dalam Kerajaan sementara jawatan Menteri Sains, Teknologi dan Alam Sekitar akan dipisahkan tidak lama lagi.

Perdana Menteri juga mengumumkan kenaikan pangkat lima Setiausaha Parlimen dan perantikan tujuh muka baru sebagai Timbalan Menteri.

Enam Ahli Dewan Rakyat juga dilantik sebagai Setiausaha Parlimen di beberapa Kementerian.

Tiga muka baru yang dilantik ke Jawatan Menteri ialah Timbalan Menteri Kewangan, Datuk Mok Han Kam kini Menteri Buruh dan Tenaga Rakyat, merangkap Datuk Richard Ho yang tidak bertanding semula dalam pilihanraya baru-baru ini;

## Naik Pangkat

Bekas Ketua Menteri Melaka, Encik Mohd. Adib Haji Adam kini Menteri Penerangan, merangkap Datuk Mohamad Rahmat yang akan mendapat tugas baru dalam Kerajaan.

Bekas Menteri Besar Negeri Sembilan, Datuk Hala Yatim kini Menteri Kemajuan Tanah dan Wilayah, merangkap kekosongan ditinggalkan oleh Datuk Seri Shariff Ahmad yang tidak bertanding dalam pemilihan 22 April lalu.

Setiausaha Parlimen yang naik pangkat ke Jawatan Timbalan Menteri ialah Puan Sharifah Dora Syed Mohamad, Setiausaha Parlimen Kementerian Kemajuan Tanah dan Wilayah kini Timbalan Menteri di Jabatan Perdana Menteri; Setiausaha Parlimen Kementerian Pertanian, Encik Kasim Ahmad, kini Timbalan Menteri Hal Ehwal Dalam Negeri.

Setiausaha Parlimen Kementerian Luar Negeri Encik Mabyuddin Haji Mohd. Yassin, kini Timbalan Menteri Wilayah Persekutuan; Setiausaha Parlimen Kementerian Kesihatan Datin Paduka Rosemary Chong kini Timbalan Menteri Kebudayaan, Belia dan Sukan dan Setiausaha Parlimen Kementerian Kebudayaan, Belia dan Sukan, Encik Lubat Wan, kini Timbalan Menteri Pertanian.

## Kewangan

Tokoh-tokoh muda yang dilantik terus ke Jawatan Timbalan Menteri ialah bekas Presiden ABIM, Encik Anwar Ibrahim kini di Jabatan Perdana Menteri; Puan Rahmah Othman Timbalan Menteri Penerangan; Puan Napsiah Omar kini Timbalan Menteri Perumahan dan Kerajaan Tempatan.

Encik Sabaruddin Chik, Timbalan Menteri Kewangan; Encik S. Subramaniam, Timbalan Menteri Perumahan dan Kerajaan Tempatan; Datuk Khalil Yaakob, Timbalan Menteri Pelajaran dan Dr. Tan Tiong Hong juga Timbalan Menteri Pelajaran.

No. Siri ..... 2101  
No. Penerimaan ..... AH/RS.....